

BAPTISTES, SIVE  
CALVMNIA, TRAGOEDIA,  
AVCTORE GEORGIO  
Buchanano Scoto.



*LONDINI,*  
Excudebat Thomas Vautrollerius,  
Typographus.

M. D. LXXVII,



GEORGIUS BVCHA-  
NANVS, IACOBO SEXTO,  
SCOTORVM REGI  
S. P. D.



VM omnes mei li-  
belli, postquam ti-  
bi erudiendo sum  
appositus, ad te fa-  
miliariter accedūt,  
salutant, confabu-  
lātur, & in tuæ cliē-  
tele vmbra conquiescunt, tum hic meus  
Baptistes, pluribus de causis, tui nominis  
patrocinium, audentius sibi poscere vi-  
detur : quòd meus, quanquam abor-  
tius, tamen primus est foetus, & ad  
adolescentes a vulgari fabularum sceni-

## EPISTOLA.

carum cōsuetudine ad imitationem antiquitatis prouocet: & ad pietatis studium, quod tum vbique fere exagitabatur, animos excitare pro virili contendat. Illud autem peculiarius ad te videri potest spectare, quod tyrannorum cruciatus, & cum florere maxime videntur misérias dilucidè exponat. Quod te nunc intelligere non conducibile modo, sed etiam necessarium existimo: vt maturè odisse incipias, quod tibi semper est fugiendum. Volo etiam hunc libellum apud posteros testem fore, si quid aliquando prauis consultoribus impulsus, vel regni licentia rectam educationem superāte secus committas, non praeceptoribus, sed tibi, qui eis rectè monentibus non sis obsecutus, id vitio vertendum esse. Det Dominus meliora, & quod est apud tuum Sallustium, tibi bene facere ex  
con-



EPISTOLA.

consuetudine in naturam vertat. Quod  
equidem cum multis & spero, & opto,  
Vale. Sterlino ad Calend. Nouem-  
bres. 1576.



## PERSONÆ.

Prologus.  
Malchus Pharifæus.  
Gamaliel Pharifæus.  
Ioannes Baptista.  
Chorus Iudæorum.  
Herodes Rex.  
Herodias Regina.  
Reginæ filia.  
Nuntius.



## PROLOGVS.

**V**Eteres poetæ, fabulantur protea  
Quendam fuisse, in omnes qui se verteret  
Formas, nec ullis contineri vinculis

Possset, liquentes nunc in aquas dum fluit,  
Nunc flamma stridet, nunc ferus rugit leo,  
Viret arbor, horret vrsus, anguis sibilat,  
In cuncta rerum transiens miracula.

At ego profecto, fabulam istam comperi  
Longè Sibyllæ veriore oraculis.

Nam quotquot homines video, tot me Proteos  
Videre vultus credo qui sumant novos,  
Seseq; vertant in figuras quaslibet.  
Subiecta quorum maxime calumnijs  
Fortuna semper Scenici est spectaculi.

Nam si vetustam fabulam quis proferat  
Turbant molesti, tussiunt, & nauscant.  
At si nouam quis attulit tum protinus  
Vetere requirunt, comprobant, laudant, amant.

Illiberali respuunt fastidio  
Noua, & priusquam noscere queant exigunt.  
Recteq; dicta interpretationibus  
Vitiant malignis: omnia in peius trahunt  
Ipsiq; somno dediti, ac ignauia,  
Vacui laboris, invident laboribus

*Aliorum, & omnem collocant operam suam  
Ut deprehendant quod queant reprehendere.*

*Si quis sit error anteuortunt Lyncea  
Visu, notaq; perlinunt censoria.  
Bene dicta surdis auribus prateruolant  
Horum seuera supercilia nihil moror,  
Tristemq; vultus tetrici arrogantiam.*

*At si quis adsit aestimator candidus,  
Qui puriores promouenti litteras  
Studeat benignus, & fauore subleuet,  
Et (quando ab omni parte syncerum nihil  
Humana gignit mens) leuibus erroribus  
Ignoscat, illi fabulam afferimus nouam  
Aut potius historiam vetustam interpolem:  
Baptista quondam ut regia libidine,  
Et inuidorum subdolis calumnijs  
Oppressus, indignam innocens subiit necem.*

*Porrò vocare fabulam veterem aut nouam  
Per me licebit cuiq; pro arbitrio suo,  
Nam si vetusta est ante multa secula  
Res gesta, veteres inter hæc censebitur.  
Sin quod recenti memoria viget nouum  
Existimemus, hæc erit prorsus noua:  
Nam donec hominum genus erit, semper noue  
Fraudes, noueq; suppetent calumnie:  
Liurq; semper improbus premet probos,  
Vis iura vincet, fucus innocentiam.*

Malchus &amp; Gamaliel

Rabini.

**M**isera Senectus, & supremi spiritus  
 Propinqua meta, fataq; infelicia  
 In hōsne vitæ longioris terminum  
 Tribuistis vsus seruiente vt patria  
 Polluta templa cernerem nefarie,  
 Profana sacra mista. Vidi imperiū  
 Arcana fani fracta, sacrum postibus  
 Aurum reuulsum: quicquid aut Gabinij.  
 Cupido rapere potuit, aut Antoni  
 Haurire luxus, periit: ac ludibriū  
 Etiam Cleopatræ fuimus (infandum) gule.  
 Ac ne deesset parte ab vlla indignitas  
 Rex Antipatri semi arabis pronepos  
 Crudele sceptrum saeuus Herodes gerit.  
 Iudæa Idumæ seruit, Arabarchæ Sion,  
 Solyma profano, populus impio Dei.  
 Tot sortis inter saeuientis vulnera,  
 In seruitute quamlibet graui tamen  
 Scintilla quedam dignitatis pristinae  
 Adhuc supererat: Disciplina & patriæ  
 Vel quaecunq; specimen, ipsis hostibus  
 Etiam verendum: cæperat victor ferox,  
 Et purpurata non minima pars curiæ  
 Honore leges prosequi Iudaicas.  
 Hac recreati spe caput vix tollere

*Fessi miseris cæperamus: quum nefas  
 Ortum repente est, unde nullius mali  
 Metus imminebat. Ecce Baptistes nouus  
 Non è profanis editus parentibus,  
 Intèrque cultus educatus exteros,  
 Sed gente noster, genere Leuites, Deo  
 Primis dicatus vsque ab incunabulis,  
 Pontificis ipse natus, ipse pontifex  
 Breui futurus, ni cupit æ gloriæ  
 Fructus acerbos rapere mallet, quam suo  
 Maturam honoris legere messem in tempore.  
 Is ergo ruris deniq̃ solos colens  
 Solus recessus, sanctitatis tetricæ,  
 Vulgus sefellit imperitum imagine.  
 Hirto capillo, terga opertus pellibus,  
 Victu ferino, & id genus præstigij  
 In se ora vertit omnium. Plebs credere  
 Vatem repente redditum mundo nouum.  
 Et iam sequacis ille vulgi exercitum  
 Traduxit ad se: iam relictis urbibus  
 Hunc populus vnum suspicit: proceres colunt:  
 Reges verentur. Ille, stolidæ insania  
 Plebis superbus, alter vt Moses, noua  
 Dat iura: Lymphis expiare crimina,  
 Adulterare ritibus leges nouis  
 Audet vetustas: vt furore facilius  
 Vulgi fruatur, omnibus probris patres*



*Lacerat, secundis plebis vsus auribus.  
Quod si furentis insolenti audacia  
Latronis huius, nemo se conatibus  
Opponat, illa celebris orbi sanctitas  
Breui peribit, imo perit, imo perijt.*

Gamaliel.

*Professionem nil temere nostram decet  
Statuere: mites lenitas decet patres:  
Iuuenum temeritati dari venia potest.  
At nulla nostram poterit excusatio  
Velare culpam. Paululum da iræ locum  
Residat impetus, & dolor deferueat.*

Malchus.

*Et tu Gamaliel, hic sacrilegus quæ facit,  
Tua, ut videtur, approbas sententia.*

Gamaliel.

*O Malche, Malche, nec probo, aut damno, prius  
Quam quale quodq, sit sciam: quod vatem ad hunc  
Spectat, vir adeo (quantum ego audio) malus  
Non est, nec odio sic premendus publico.*

Malchus.

*O sidera, ô cælum, ô solum. Huic etiam vira  
Non deest patronus, esse qui malum neget.*

Gamaliel.

*Qui vitia carpit, qui docet mores bonos,  
Præitq, primus quam indicat alijs viam,  
Hunc esse mihi persuadeas malum virum?*

Malchus.

*Qui iura spernit, qui docet sectas novas,  
Nouosque ritus, qui petit conuicijs  
Populi magistros, Pontificibus detrahit,  
Hunc esse mihi persuadeas bonum virum?*

Gamaliel.

*Si in nos seueri & tetrici æquè indices  
Essemus, alijs quam sumus sæpe asperi  
Minus paterent publicis conuicijs  
Flagitia nostra. Blandiamur quamlibet  
Nobis, beati prædicemur, cælites  
Vulgo putemur, integri, casti, pijs,  
At nemo nostrum maximis vitijs vacat.*

Malchus.

*Vt hæc Gamaliel vera sint, num cui libet  
E plebe fas est præfuli male dicere?  
Plebs audiat: Plebs pareat: sit sobria.  
Iniecta fræna non recuset: qui præest,  
Plebs si quid erret, eam reducat in viam.  
Lex ipse sibi sit, si quid autem errauerit  
Est qui scelestum cernat, & plectat Deus.*

Gamaliel.

*Et tibi videtur æqua lex hæc? Mal. Maximè.*

Gamaliel.

*Quinam? Mal. Quia propria est plebis ignorãtia,  
Error, temeritas, imperitia, cæcitas.*

Gamaliel.

*E plebe media sæpè deprehenderis  
Qui principum non cesserit prudentia.*

Malchus.

*Quin ergo cathedra cedimus opilionibus.*

Gamaliel.

*Opilio Moses, Opilio David fuit.*

Malchus.

*Eos erudiuit cuncta spiritus Dei.*

Gamaliel.

*Hunc poterit idem qui erudit illos Deus.*

Malchus.

*Nobis relictis erudiet illum Deus?*

Gamaliel.

*Non sceptraspectat, non parentum stemmata,  
Decusve forma, aut regias opes Deus.*

*Polluta nullo corda sed contagio*

*Crudelitatis, fraudis & libidinis*

*Hoc ille templo spiritus capitur sacer.*

Malchus.

*Equidem Gamaliel, fatear ut verum, mihi  
Videre pridem sacrilegam hanc sectam tua,  
Sententia probare. Non possum amplius  
Celare tacitus, cum tuis maioribus  
Indigna facias: qui tueri debeas  
Auctoritatem maximè vnus omnium  
Nostram repugnas maximè: idq. in gratiam  
Inuenis furentis: per Deum rogo edoce*

*Qua spe ista tentas : aut quid hinc captas lucri?  
Forte ille honores , aut opes dabit tibi:  
Qui dignitatem funditus nostri ordinis  
Euertit omnem, nosque ad inopiam vocat.*

Gamaliel.

*O Malche vero procul aberras a scopo,  
Nostram tueri dignitatem si putes  
Nos posse fastu , viribus , superbia.  
Non hæc parentes ratio nostros extulit.*

Malchus.

*Vetusta veteres, nostra nos magis decent.  
Suique vinat quisque more seculi.*

Gamaliel.

*Quin potius omnes bona bonos semper decent.*

Malchus.

*Si quid paterni spiritus nobis foret.*

Gamaliel.

*Et nos paternis viueremus moribus.*

Malchus.

*Pænas luisset morte nebulo hic, non minis.*

Gamaliel.

*Aliena nostro ab ordine est crudelitas.*

Malchus.

*Quicquid Deo prestat, id sanctū & pium est.*

Gamaliel.

*Morti immerentes impia est pietas dare.*

Mal-

Malchus.

*Hunc immcrentem cuncta qui euertit vocas?*

Gamaliel.

*Si peccat ille quin palam redarguis?*

*Quin lumen ingenij exeris illic tui?*

*Rudem peritus, doctus indoctum, senex*

*Aggredere iuuenem. Fors reduces in viam:*

*Et tibi apud omnes comparabis gloriam.*

Malchus.

*Curanda non est ista plaga molliter,*

*Sed fune, ferro, & igne: vel si quid scias*

*Quod fune, ferro & igne sit crudelius.*

Gamaliel.

*Sit ille qualem dicis, aut peior etiam*

*Si vis, dare vnum te tamen decet tibi*

*Vt ante moneas hominem amice & leniter:*

*Ne malle quisquam precipitare te putet*

*Dubium salutis, dexteram quam tendere*

*Iam pessum eunti: plurimum interest tua*

*Ad famam, vt omnes inuidi etiam intelligant*

*Seruare te omnes velle, perdere neminem,*

*Nisi obstinata mente qui praeceps ruat.*

*Vnum oro saltem, te priusquam longius*

*Abducatur ira, cogita quid assequi*

*Hac obstinata pertinacia queas.*

Malchus.

*Nempe illud, hostem vt opprimam, soler bonos,*

*Dubiosq, firmem, & impudentes terream,  
Legesq, patrias hoc cruore sauciam.*

Gamaliel.

*Quin potius illud assequere, vt omnibus  
Grassatus esse viribus tyrannidis  
Credare, sanctum donec opprimeres virum,  
Ratione quem non potueris conuincere.*

Malchus.

*Sit sanctus ille, sit grauis quantum libet,  
Diuinus illum spiritus non dirigit  
Quando instituta prisca patrum negligit.  
Et quando apud vos nil reperio presidij  
Contra ruinam regium auxilium petam.*

Chorus.

*Recte Gamaliel admonet me iudice.  
Et tu monenti obtempera. Sed consilij  
Recti hostis ira mentis aciem obnubilat:  
Auremq, monitis obstruit salubribus.*

Gamaliel.

*Ille abiit ira incensus, & fastu timens.  
Ego quod licebat sedulo pro viribus  
Monui furem, spiritus nixus feros  
Lenire verbis mollibus. Fidum dedi  
Consilium: at ille tantum abest vt gratiam  
Ingratus habeat, etiam vt oderit bene  
De se merentem. Vulgo ita modo viuatur,  
Nostriq, cætus vitium id est vel maximum,*

*Qui*



*Qui sanctitatis plebem imagine fallimus:  
Præcepta tuto liceat ut spernere Dei.  
Contra instituta nostra si quid audeas,  
Conamur auro euertere aduersarios:  
Tollere veneno: subditisq; testibus  
Opprimere: falsis regias rumoribus  
Implemus aures: quicquid animum offenderit,  
Rumore falso vlciscimur: & incendimus  
Animum furore turbidum: & calumnijs  
Armamus iræ seuientis impetum.  
Nullius ille nunc memor modestiæ  
Graditur ad aulam: comminiscetur novas  
Sectas oriri, sacra patrum deserui,  
Auctoritatem regiam ludibrio  
Patere: demum quicquid illi commodum est,  
Honestæ sceleris nomina obtendens suo.  
His si moueri senserit regem parum,  
Inueniet aliud senius telum: in caput  
Iurata regis clamitabit agmina  
Secreta fieri colloquia: nefarium  
Facinus parari: consilia clam concoqui:  
Cætus coire nocte: priuatas opes  
Per factiones impias auferre.  
Hæc ille finget, aut atrociora, ut est  
Animi impotentis, barbaræq; iugiter  
Crudelitatis auctor. Hæc in regias  
Stillabit aures toxica ingenij sui*

Hoc adeo cunctis penè semper regibus  
 Commune vitium, facile delatoribus  
 Præbere sese: quo quid est crudelius  
 Fictum, facilius creditur: vanos metus  
 Pingunt sibi ipsi: mobilis fame, leuem  
 Sequuntur auram: qui fideliter monet  
 Timidus habetur, languidus, torpens, habes.  
 Virtutis olim vertimus iam nomina.  
 Virtute nulla splendidi, sed splendidis  
 Titulis superbi, fallimus vulgus rude.  
 Quod ad prophetam spectat hunc, modestius  
 Se noster utinam gereret ordo, & cautius.  
 Si missus huc est ille, consilio Dei,  
 Humana poterit nulla vis obfistere.  
 Sin fraude tectum comminiscitur nefas,  
 Sese ipse gladio subito confodiet suo.  
 Interpretetur quisque pro ingenio ut lubet,  
 Si quis sequatur hic meam sententiam,  
 Cruore puras seruet innocuo manus:  
 Nec temere sancti prodigus sit sanguinis.  
 Ne quæ statuimus in alios crudeliter  
 Exempla, recidant postea in nostrum caput.  
 Immanitatis non sat Herodes habet,  
 Ni facibus ira subditis, accreuerit  
 Animi furentis impotens crudelitas?

Chorus.

*Quanta mortales latebris opacis*

Nox

Nox tegit mentes? quibus in tenebris  
Degimus lapsu celeri, fugacis  
Tempora vite?

Occulit falsus pudor, impudentem,  
Impium cælat, pietatis umbra,  
Turbidi, vultu simulant quæta:  
Verni dolosi.

Qui fuit tristi gravitate vultus,  
Unicum vitæ specimen modestæ,  
Æstuat præceps furijs, & atrox  
Fervet in iras.

Qualis æthæris vapor è caminis,  
Saxa convolvit celeri rotatu,  
Qualis arentem coquit in favillam,  
Flamma vesæum:

Talis hunc, cæcus furor ultionis,  
Cogit in vatem ruere innocentem,  
Vt truci, nudam male veritatem,  
Crimine vexet.

Tu mali tanti, genitrix Cupido,  
Gloriæ, vano tumefacta fastu:  
Lausq, fucati specie superne  
Spendida honesti.

Mentis ut regnum semel occupasti,  
Fascinas blandis animos venenis:  
Et relegata ratione, turbas  
Pectoris aulam.

*Te fugit verum, pietas, pudorq;  
Te fides, & que melioris aui  
Hospes, infames vitij reliquit  
Vltima terras.*

*Si quis (o) frontis nebulis remotis  
Artifex, nudas daret intueri  
Pectoris curas, penitus reuelans  
Abdite cœcum penetrabile mentis,  
Cerneret miris variata formis  
Monstra, non magno stabulare in antro.  
Plura quam terris ferat in remotis  
Nilus & Ganges, Libycq; senis  
Fæta portentis, latebrisq; nigris  
Caucasus horrens.*

*Non ibi tigris rabies cruenta  
Decisset, aut fulvæ ferit as leonæ,  
Non sitim nulla saturata strage  
Dira sanorum ingluviæ luporum:  
Nec venenata basiliscus aura  
Pestifer, longumq; ferens soporem  
Aspis, & caudæ metuendus vntæ  
Scorpius telo, lachrymisq; fictis  
Personans seram crocodilus algam,  
Nec doli vulpis, Phariæq; fallax  
Ludus hrene.*

*Ficta crudeles pietas tyrannos,  
Impios mores stola fimbriata*

*Celat, in panno tenui, recondit  
 Nuda se virtus, tuguri sub umbra  
 Rustici, nec se titulis superbis  
 Vendit: insanosq; fori tumultus  
 Ridet, & plausus popularis auræ.  
 Nec cliens magni foribus patroni  
 Assidet. Vita tacitos beatæ  
 Rure secreto sibi nota tantum  
 Exigit annos.*

Regina, Herodes.

*Tu lentus vsq; auctoritatem regiam  
 Labare nondum sentis. in tuum caput  
 Nondum parari cæcus insidias vides.  
 Nam concitator iste vulgi, si alterum  
 Super sit annum, vincla, carcerem, cruces  
 Frustra mineris. iam suas circumspicit  
 Vires superbus. prosequentum iam grege,  
 Obscurat aulæ regie satellites.*

Herodes.

*At turba inermi quod times periculum?*

Regina.

*Secreta si conuenticula fieri sinas.  
 A genere nullo non timendum existimes.*

Herodes.

*At hic, ruentem sponte populum ad se, docet.*

Regina.

*Magis timenda est fusa late factio.*

B ij

Herodes.

*Crimen refellit istud, hominis sanctitas.*

Regina.

*Hoc tecta velo, saepe flagitia, latent.*

Herodes.

*A purpuratis, vis timenda est satrapis.*

Regina.

*Et a seueris fraus timenda hypocritis.*

Herodes.

*Inops, inermis, vnda cui sedat sitim,  
Dat sylua victum, terra, gramineum torum  
Quem cogitare poterit, is, sceptris dolum?*

Regina.

*Vides amiculum: & cibum & potum vides.  
At quod reclusum pectore gerit, non vides.*

Herodes.

*Conditio regum misera, si miseros timet.*

Regina.

*Si nil timendo praeda fit, miserrima.*

Herodes.

*Quid ergo tutum iam supererit regibus?*

Regina.

*Omnia, quieti si quod obstat, auferant.*

Herodes.

*Nempe hoc tyrannus interest regi bono,  
Hic seruat hostes, hostis ille ciuium est.*

Regina.

*Vtrumq;*



*Vtrumq<sub>3</sub> durum est, & perire & perdere.  
Sed si eligendum est, præstat hostem perdere.*

Herodes.

*Cum non necesse est alterum, vtrumq<sub>3</sub> miserū est.*

Regina.

*Tanto in tumultu nil agendum est aspere,  
Quum concitatur mobilis vulgi furor:  
Leges, religio, auctoritasq<sub>3</sub> principis  
Contempta, plebi est infima ludibrio?  
Caue, lenitatis falsa species auocet  
Tibi mentem ab equo: quæ videtur lenitas,  
Propius tuenti, summa erit crudelitas.  
Dum parcis uni factioso & perdito,  
Is perditum omnes, in caput quos hic tuum  
Armare satagit: finge fieri, quod fore  
Tandem necesse est, concitari mobile  
Ad arma vulgus, cuncta passim lugubri  
Ardere bello, vasta linqui prædia,  
Vrbes cremari, virgines per vim rapi,  
Manusq<sub>3</sub> dubia conseri victoria.  
Quum fræna legum ruperit licentia,  
Damnabis istam sero tum clementiam.  
Atque ecce coram pestis & mali caput.  
Hic censor ille est. Hunc roga, plura audies  
Ni fallor ab eo, fama quam vulgauerit.  
Nec miror esse, sceptræ qui spernant tua:  
Quando ipse, prauos lenitate prouocas.*

B iij

Herodes.

*Quum multa possis, facere viribus modum,  
Regum bonorum est. Reg. Itane, iam sceptris modū  
Hic faciet? huius, regnum habendum arbitrio est.  
Si regis esset animus in te. Her. quin abis.  
Mibi hæc relinque. Reg. quin abeo, ne denuo  
In os ut ante contumelias feram.  
Regina, multa quando cedit infimis,  
Quæ spes fouebit æquitatis ceteros?*

Herodes.

*Iamne abiit? abiit. Hoc agamus interim.  
Non est quod id te moneat, aut nouum putes  
Si læsa mulier nobilis, diues, potens,  
Regina denique grauius æquo irascitur.  
Vel ipse testis esse poteris optimus,  
Quantum saluti fauerim semper tue.  
Namq; vniuersæ plebis odium te petit,  
Et ad luendas flagitat pœnas reum.  
Dolentq; proceres, & sacerdotes fremunt.  
Atque adeo quid sit, quod querelam publicam  
Incendat, edam breuiter. Omnes ordines  
Laceras maledicis contionibus palam:  
Vulgusque, veterum decipis legum rude,  
Lethale spargens dogmatis virus noui:  
Et turbulentis vocibus, regni statum  
Tranquillitatēque labefactas publicam:  
Parere prohibes milites duci suo:*

Parere

*Parere populum Cæsari, vulgo noua  
Dum regna spondēs: liberos iugo extero  
Fore polliceris, speq; vana concitas:  
Gentem rebellem nec sinis quiescere.  
Et calamitatum ceu tulissemus parum,  
Romana demens armarursus prouocas.  
Nec dubito quid sis ausus absens, quum palam  
Mihi impudicas exprobraris nuptias:  
Et odia populi nixus in me accendere,  
Fratremq; mecum prælio committere  
Tentaris, in te quoderat. Ac velut parum,  
Scelerum patrasses, ausus omnia in omnium  
Pariter salutem, bella iam cælo paras:  
Et sacra, quibus hoc hæctenus regnum stetit,  
Abolere tentas. Hæc populus omnis fremit.  
Lentumq; legum me queruntur vindicem  
Patriarum. at in te durius nihil tamen  
A me profectum est: & modo, quicquid fauor  
Iudicis amici & beneuoli poterit dare,  
Tribuetur a me liberaliter tibi:  
Neq; enim tyrannum genuit auidum sanguinis  
Vestri, pater me Assyrius, aut Aegyptius.  
Et patria, & altrix, & parens eadem mihi  
Vobisq; terra est. infima quoties perit  
De plebe quisquam, corporis membrum mei  
Toties reuelli existimo: meus cruor  
Mitti videtur. facilem & æquum iudicem*

*Herodem habebis. Si refellere cetera  
Obiecta poteris, quicquid in me dixeris  
Olim, meosq, gratiam facio tibi.  
Tu, teste populo, intelliges iniuriam  
Negligere propriam, persequi me publicam.  
Vtinam ipse reliqua diluas sic crimina,  
Seueritatis, ut mihi nullam tua  
Occasionem linquat innocentia.*

Chorus.

*Hac perge charus esse. Viues posteris  
Clarus. Nec auro, nec cateruis militum:  
Tam crede regna tuta, quam quæ caritas,  
Et equitate parta defendit fides.*

Ioannes.

*Tenenda populi frena cui credit Deus,  
Audire oportet multa: cuncta credere,  
Necesse non est. questus, inuidia, fauor,  
Timor, dolorq, sæpe vera supprimunt.  
E plebe si quis aut patrum, inclementius  
Me credit in se prolocutum quippiam,  
Vitam necesse est arguat prius suam,  
Orationem quam meam culpet. mea  
Hæc ratio semper fuit, uti reprehenderem  
Delicta publica publicè. occultè nihil  
Facio, doceo ve. Non latebras aucupor  
Cætas, nec homines, sed vitia redarguo.  
Cum me rogarent milites, quonam modo*

*Servire*

*Servire possem pariter & regi, & Deo,  
Pulsare vetui, rapere, vim facere, dolo  
Circumuenire improuidos, componere  
Cupidinem iussi, ad modum stipendij.  
Nec spem nouarum prædico rerum, nisi  
Quam vos, prophetis ex vetustis, creditis  
Mecum. Nec vnus interim è tot millibus  
Auctore me, qui principem contempserit,  
Profertur. Ista, siue fama rettulit,  
Sen finxit ira cæca, dum præceps furit  
Studio nocendi, nuda facile veritas  
Per se refellct. Sacra quam pie colam,  
Et instituta vetera, nullum certius  
Indicium opinor, quam meorum criminum  
Præclarus index, quòd palam non prodeat:  
Clam murmuret, vbi facile sit fictis locus.  
Quod te negaui, posse fratris coniugem  
Habere iure, id ipse tecum cogita  
Vtrum placere tibi sit æquius, an Deo.  
Atq; utinam, is animus omnibus itidem foret,  
Quicunq; regum sese amicitie dicant,  
Vt vera malint proloqui ac salubria,  
Quam blanda damno mox futura: quot malis  
Præclusus aditus esset, & molestus!  
Ego si quid olim liberius, ac verius  
Dixi, tu, vt æquum est æquitatis vindicem,  
Æqui boniq; bonus & æquus consule.*



28 GEOR. BVCHANANI

*Tuæq; fines hos statue potentia,  
Mensura legum quos tibi præscripserit.  
Quod ius in alios hic habes, in te Deus  
Aliosq; reges omnium rex obtinet,  
Proinde quicquid de capite statues meo,  
Statuere id ipsum crede de tuo Deum.*

Herodes.

*Quum in astra venies, loquere tum cælestia.  
Terrena iura patere, dum terram coles.*

Ioannes.

*Terrena vercor regna, pareo regibus,  
Æterna patriam regna puto, regem colo.*

Herodes.

*Res ipsa clamat, regibus quam pareas:  
Parere regem qui tuis vis legibus.*

Ioannes.

*Si ferre leges mihi liceat, edicerem  
Parere populos regibus, reges Deo.*

Herodes.

*Sat litigatum est. rursus hunc abducite.  
Perplexæ res est. Donec cuncta certius  
Comperta pateant, stat nihil decernere.*

Chorus.

*Qui de tyranni oratione se autumat  
Perspicere mentis posse sensus abditos,  
Næ turbido se credere speculo sciat.  
Vtinam secundet cuncta cælestis parens:*

*Sed*



*Sed ominari metuit animus, quæ timet.*

Herodes.

*Fortuna regum quam misera sit, & anxia  
Nec fando poterit explicare oratio,  
Nec cogitando mentis acies assequi.  
Nos esse vulgus liberos solos putat,  
Solos beatos, quos egestas obsidet,  
Formido cruciat, misera seruitus premit.  
Quodcunq; populus diligit, cupit, timet,  
Audet fateri libere. procul metu  
Fruitur modestis opibus. at nobis foris  
Persona honesta est induenda, cogimur  
Vultu benigno humaniter promittere:  
Palàm profari iusta: ficto pectore  
Differre bilem: suppressere odia in suum  
Tempus: minari maxime, cum maxima  
Causæ timoris anxium pectus premunt:  
Spernit modestum principem plebs: asperum  
Odere. Vulgo seruiendum est mobili,  
Et imperandum. nil meo arbitrio gero.  
Hunc si prophetam perdo, populum offendero.  
Si seruo, regno consulo parum meo.  
Quid ergo agendum est? id ne dubium est? imperi  
Habenda ratio est. ipse mihi sum proximus.  
Si ob sceptrum populo seruiendum est, stultius  
Quid esse poterit, regna quam pessum dare,  
Placere vulgo dum studes? plebs gaudia,*

*Irasq; temere sumit, & temere abijcit.*  
*Nunc stat, cruore auctoritatem regiam*  
*Stabilire: vulgus facile post placabitur.*  
*Si serpere malum latius præsens sino,*  
*Remedia vincet, ausus est videlicet,*  
*Mihi impudicas exprobrare nuptias,*  
*In os: id illi impune si permisero,*  
*Non stabit illic hominis impudentia.*  
*Iam sceptræ, leges ad suas flecti volet:*  
*Iam vincla captis induct. Iam non regi,*  
*Sed regere cupiet, iura regibus dabit,*  
*Confundet imis summa. gliscenti malo*  
*Statim medendum est. antequam crescat, recens*  
*Flamma opprimenda est. contumelias novas,*  
*Veterem, ferendo, prouocas iniuriam.*  
*Populo secundo, si expetere pœnas queam,*  
*Populi fauentis gratiam, non negligam.*  
*Si nequeo, regno cuncta stat postponere.*  
*Quid Malchus iste garriat de legibus,*  
*Quas curiosas quæstiones, litibus*  
*Inexplicatis iactet, id nihil mea*  
*Referre credo, modo populus unam hanc sciat*  
*Legem tenendam, præter ut leges, mihi*  
*Licere quiduis, esse legitimum putet.*

Chorus.

*O spatiosi conditor orbis!*  
*Cuius trepidant omnia nutum,*

*Cælum*

*Cælum nitidis ignibus aptum,  
Tellus vario florida cultu,  
Tumidum refluis aestibus aquor,  
Nonne ad nostras pertulit aures  
Fama, prioris conscia secli,  
Aevi splendida facta prioris:  
Cum tu, valida robore dextrae,  
Auro atque opibus, regna superba  
Ipsa extincti, a stirpe reuellens,  
Illorum ut nos agro infereres:  
Agro haud ense aut iaculis nostris,  
Aut consilio, vig, parato.  
Sed nos cæli fauor omnipotens,  
Per fera tutos agmina duxit:  
Non tu rex ille Isacidarum?  
Non tu gentis Deus Hebrææ?  
Cuius ductu, perfida castra  
Proculcauimus, hoste perempto:  
Non confisi robore nostro  
Sed duce & auspice te, præclaras  
Sæpe retulimus patriæ palmas.  
Nunquid penitus deseris, olim,  
Genitor, populum tibi dilectum!  
Nunquid fabula linquimur hosti.  
Spreta est pietas: religio iacet,  
Fraus, purpurea regnat in aula.  
Populus, tanquam victima, sanctus*

Dat pia seuæ colla securi:  
 Vates percunt ense, tyranni  
 Nostris gaudent luctibus hostes,  
 Et pietatis sub prætextu,  
 Meriti pœnas, regna gubernant:  
 Meritos regnum pœna coerçet.  
 Exurge, tuo populo fer opem:  
 Exurge parens optime, & hosti  
 Date talem cernere, qualem  
 Te viderunt aquore patres  
 Rubro, Pharios mergere curru.  
 Qualem vatis fatidici olim  
 Te puer oculis vidit apertis,  
 Dantem igniferis fræna quadrigis,  
 Totis flammâs spargere campis.  
 Te caligine pulsa erroris  
 Humanæ qui lunnina mentis  
 Obruta cæca nube recondit,  
 Et quæ primo sole tepescit  
 Tellus, & quæ mergere ponto  
 Cernit rutila lumina flammæ,  
 Vnum agnoscat cuncta potentem.  
 Malchus.

Sic se profecto res habent mortalium,  
 Vt optionem si tibi obtulerit Deus,  
 Incertus erres quid recuses, quid velis:  
 Opes, honores, rem tibi & tuis cupis,

*Quæ perdiderunt sæpe voti compotes,  
Hosti imprecariis vincla, carcerem, fugam,  
Quæ sæpe pariunt maximam illi gloriam,  
Tibiq; damnum, quod adeo verum meo  
Didici periclo, exempla ne longe petam.*

*Nam cum remotis montium degens iugis  
Baptista vulgus fascinaret hic nouus,  
Plebisq; secum credula traheret gregem  
Ego Phariseæ dignitatis vindicem  
Me præstiti vnum cæteris cunctantibus,  
Nec experiri cuncta desij prius  
Quam dura fontes vincla presserunt manus,  
Hostemq; carcer publicus compescuit.  
Aulamq; totam criminum impleui. At nihil  
Vt video profunt vincla, carcer, crimina.  
Sic plebis animos occupauit impiæ  
Vis dira pestis, omniumque pectora  
Lethale virus perbibere, ut illius  
Clades honorent, ingemant periculis.  
Quacumq; pergo, me execrantur, indicant  
Me digito, iniquo me intuentur lumine,  
Illi fauetur sacrilego, qui sustulit  
Rerum vniuersa & ordinum discrimina,  
Et excubatur ante clausum carcerem.  
Nihil miserius esse nobis arbitror,  
Qui nos omiſſis rebus alijs commodo  
Populi dicamus, quisquis illi mancipat*



*Se, collocatam gratiam sciat male:  
Vt qui maligno semper ingenio solet  
Fauere prauis, optimates spernere.  
Quo conferam me? quid quærar primum? quibus  
Potissimum irascar? cui opem primum feram?  
Pseudoprophetae populus impius colit:  
Mussant rabini: conuiuet rex, negligunt  
Proceres. ruentes solus his humeris ego  
His fulcio humeris patrios ritus, manum  
Nullo admouente: publicam solus vicem  
Doleo. quid igitur? deseram munus? sacra  
Legesq; prodam, dignitatemq; ordinis?  
Meque esse patiar hostibus ludibrio?  
Patiar, profecto. Nam quid aliud iam queam?  
Feramne solus, ferre quod cuncti abnuunt!  
Et me ruinae publicæ obyciam? Deus  
Sua tueatur, quando iam sic viuatur,  
Vt quisque caueat sibi, ego mihi sum proximus.  
Si male gero rem publicam, in meum caput  
Ruina verget. qui fauent nunc maxime  
Stanti, iacentem calcibus primi petent,  
Si bene geram rem, gratiam male collocem,  
Nihil parabo, præter inuidiam mihi.  
Nunc Gamalielis serò consilium placet,  
Nisi forte serò nemo resipiscere potest,  
Malo ego requirant hic meam constantiam,  
Quam re peracta temeritatem puniant.*

*Quod*



*Quod cuiqꝫ visum est sentiant : molestijs  
Ego me explicabo, & gratiam resarciam  
Hoc cum propheta. nec animi simplex homo  
Renuet opinor. Duriores si mihi  
Se ostendet, omnes admouebo machinas,  
Ne populus illum credat artibus meis  
Perissè. populum si reconciliauero,  
Non undequaꝫ cesserit res pessimè.  
Atque ipse opinor, ipse nimirum est. vide  
Qui cætus illum sacrilegum sequitur comes.  
In orbe media nos inanes interim  
Inter cathedras desidemus. at libet  
Audire primum quid magister hic ferat.*

Ioannes.

*O magne rerum rector, auctor, arbiter!  
Te quicquid aer continet laxo sinu,  
Quæcunqꝫ tellus educat, quicquid suis  
Fretum sub undis nutrit, agnoscit Deum,  
Sentit parentem, legibus semel datis  
Obsequitur ultro, tramite immutabili,  
Iussu tuo, ver pingit arua floribus,  
Fruges dat æstas, fundit autumnus merum,  
Hyems pruinis vestit albicantibus  
Montes, in æquor curua voluunt flumina  
Moles aquarum, mare reciprocatur vices,  
Noctem diana, Phæbus incendit diem,  
Et inquieta lustrat orbem lampade.*

*Nil denique vsquam est sine cælo, seu solo  
 Quod non libenter pareat regi suo,  
 Amet parentem, & officijs quibus potest  
 In conditorem studia declaret sua.  
 At solus homo, quem cæteris longe magis  
 Gaudere decuit, & obsequi iussis Dei,  
 Contemptor unus inter omnes maxime est:  
 Præcepta spernit, fræna legum reijcit:  
 In omne præceptis facinus it: libidine.  
 Metitur æquum: ponderat ius viribus.*

Malchus.

*Principia rectè sese habent tibi hætenus.*

Ioannes.

*Nec tam per orbem deuias miror vago  
 Errore gentes, quam populum qui se Dei  
 Hereditatem iactat, & conuicijs  
 Incessit alios, impiosq; clamat:  
 Quum nulla, qua sol cumq; terras aspicit  
 Gens orbe toto vinat effrenatius.*

Malchus.

*Sanè locutus cuncta vere est hætenus.*

Ioannes.

*Nec ista vulgi culpa tantum est mobilis,  
 Leuita longe veste fulgens candida,  
 Legisq; scriba turgidus scientia,  
 Et vos verendi ætate matura senes,  
 Obliquus error deuio flexu abstrahit,*

*Vidue,*

*Viduae, orphaniq, causa vestra ad pulpita  
Succumbit, opprimitq, diues pauperem.  
Iniqua iuxta & equa sunt vanalia.*

Malchus.

*Disrumpor ira. tacitus hæc vt audiam?*

Ioannes.

*At vos rabini sanctitate ceteros  
Præstare qui simulatis & scientia,  
Et vos sacerdotum sacrata dignitas,  
Princepsq, sacri pontifex collegij  
Decimatis omne terra quod profert holus.  
Non vos anethum, menta, ruta, & allium,  
Vrtica non vos aut viride sænum fugit,  
At si legendum, si docendum scilicet  
Responsa vatum, & sanctioris orbita  
Monstranda vitæ, vestra demum auctoritas  
Est muta, muti non latratis hic canes,  
Circumfremescentes vestra non ouilia  
Lupos abigitis. quid lupos dixi? lupi  
Vos estis ipsi. vos gregem deglubitis.  
Vos lana vestit: lac sitim sedat: famem  
Caro: gregem non pascitis: vos pascitis.*

Malchus.

*Faceſſat hinc in maximam malam crucem  
Concordia. egone patiar amplius meo  
Sic insolenter contumeliam ordini  
Fieri? Deus me si ex olympto mitteret,*

C ij

*Hac lege, vt hæc sint audienda, deferam  
Mandata potius ista, quam dici audiam.*

Malchus.

*Durare nequeo vltcrius. Heus tu vir bone,  
Turba magister vnice, hæc nempe est tua  
Doctrina? populum incallidum sic instruis?*

Ioannes.

*Si probus es, ad te haud attinent quæ dicimus.*

Malchus.

*Ad te, sacerdotem attinet traducere?*

Ioannes.

*Bene puto dici, cum malis dictum est male.*

Malchus.

*Parere iuuenem conuenit maioribus.*

Ioannes.

*Parere cunctos conuenit magis Deo.*

Malchus.

*Te iussit igitur ista proloqui Deus?*

Ioannes.

*Iubet profari vera cunctos veritas.*

Malchus.

*Tacuisse vera sæpe multis profuit.*

Ioannes.

*Cum scelere iuncta nil moramur commoda.*

Malchus.

*Scelus videtur in scelus dicas tibi.*

Ioannes.

Ioannes.

*Scelus videtur, tot perire millia  
Spectare, possim cum reducere in viam.*

Malchus.

*Reducere? gregis nonne pastores sumus?*

Ioannes.

*Si res quidem eadem est pascere & deglubere.*

Malchus.

*Rerum tuarum satage, nostra desere.*

Ioannes.

*Vicina cum res agitur, agitur & mea.*

Malchus.

*Quis tandem es oro auctoritate hac præditus?  
Tunc ille Christus patribus promissus es?*

Ioannes.

*Non sum. Malc. Propheta es ille? Io. Non sum.*

Malchus.

*Es Helias?*

Ioannes.

*Nec Helias sum. Malc. Si nihil es horum, neq;  
Spes nostra Christus, nec propheta, nec Helias,  
Quinam auctor audes esse baptismi novi?  
Quem te esse tandem perferemus? indica.*

Ioannes.

*Vox sum in remotis montium clamans iugis,  
Viam parate, facite rectas semitas  
Veniente domino: cuius aduentu caue*

*In plana valles explicabunt se, solo  
Saxosa montes culmina equabunt. ego  
In nomen eius abluo populos aquis,  
Cui detrahendis seruus etiam socculis  
Indignus essem. nemo quem agnoscit, licet  
Versetur inter vos, & vsque obambulet.*

Malchus.

*Quos iste laqueos neētit, atque ambagibus  
Eludit? istam quam tibi sic vendicas  
Auctoritatem quo probas miraculo?*

Ioannes.

*Possē ego viciſſim te rogare etiam, tuam  
Auctoritatem quo probes miraculo?*

Malchus.

*Vt contumax est, quamlibet cales, tamen  
Quid in furorem te rapiat, omnes sciunt.  
Nostra profecto crescere inuidia cupis,  
Rem comparare gloriamq, incommodo  
Nostro, artibusq, vis potens fieri malis.  
Nec decipis nos. ipse tete decipis.  
Nec primus ista es fallere aggressus via.  
Postremus utinam debitas pœnas luas:  
Aut potius animum in melius admonitu meo  
Mutes: & auctor ut fuisti errantibus,  
Mutatus auctor sis reuertendi in viam.  
Vidi seueram vester sanctimoniam  
Præseferentes, ut facile facerent fidem*

*Animi*



*Animi modesti & simplicis, post artibus  
Vbi his honores comparassent & opes  
Nudare sensim ingenia: probitatem prius  
Bene simulatam propalam contemnere,  
Et fræna veris moribus permittere.  
Quod si hac honorum tendis ad fastigia  
Rerum, imperitum fallit ignorantia.  
Non isto ad altam tramite itur gloriam,  
Ni me fefellit pessime non pessimus  
Magister usus, & senecta usus parens  
Famæ, reiç, consules melius tuæ,  
Si tuta potius appetas quàm splendida.*

Ioannes.

*Si vera dico, recta facio, cur mihi  
Quisquam imperare debeat silentium?  
Sin falsa, doctus imperito id indica.*

Malchus.

*Horum pigebit, morte quum pœnas lues.*

Ioannes.

*Isthæc minare fata formidantibus.*

Malchus.

*Si viuo longum, fæxo non letabere  
Hac contumacia. Scies quid sit senes  
Negligere, scribas iurgys proscindere,  
Dictis rabinos pronocare procacibus,  
Et quando amicos nos habere negligis,  
Quid possit odium forte cognosces senum.*

## Chorus.

*Adfurta qui se comparat,  
 Nocturna vitat lumina.  
 Odit facem sicarius,  
 Sui furoris consciam.  
 Puer recusat pharmaca,  
 Condita amaro absinthio,  
 Abhorret a salubribus  
 Vulnus resectum emplasmatis,  
 Occulta cui mentis mala,  
 Secreta rodunt pectora,  
 Huic est molesta veritas,  
 Quæ cor reuelat turbidum.*

*At vos seueri hypocritæ,  
 Quos fronte duros tetrica  
 Lucrum iuuat nefarium, ex  
 Errore vulgi creduli,  
 Quantum libet recondita  
 Cælaueritis crimina,  
 Quauis tegatur sordida  
 Sentina mentis impia,  
 Vos vestra conscientia  
 Secreta rodens arguit,  
 Vos clausus intra viscera  
 Occultus exest carnifex,  
 Duro flagellans verbere.*

*O ter beatum & amplius,*

*Qui*

*Qui purus animi, ad iudices  
Non fit reus domesticos:  
Clausus nec in praeordijs  
Tortore, semper vapulat.  
Malchus.*

*In rege nulla certa spes est, publicam  
Suamq; causam prodidit prauo ambitu,  
Populo placere dum studet, dum gratia  
Vanatur auram, lenitatis imagine  
Me plebis ire nixus est supponere:  
Suasq; voluit vindicare iniurias  
Meo periculo. Nempe Baptista necem  
Vt si videret acrius ferre populum,  
Populo paratus capite confestim meo  
Litare. populus si tulisset leuiter  
Noxae interemptum factionis principem,  
Quod se vltus esset maxima cum gloria  
Credi volebat, callide, sic exhibent  
Alterna reges ciuium de sanguine  
Spectacula sibi, & cade ludunt mutua,  
Quodcumq; vulgus approbat sibi vendicant:  
A se patratum praedicant: laudi suae  
Nostri laboris arrogant industriam,  
Popularis aura si fauoris flexerit  
Secus ac putabant & petebant, transferunt  
Culpam in ministros: & cruore innoxio  
Animaq; vili crimen auertunt suum,*

44 GEOR. BVCHANANI

*Supereſt doloris ſola noſtri particeps  
Regina, tigris orba ceu catulis furens,  
Baptiſta thalami quod prioris fœdera  
Polluta coram rege non probauerit:  
Palamq; vetitos lege damnarit toros  
Cum uxore fratris. Flamma dum recens calet  
Iræ aſtuantis, turbide menti faces  
Supponam: alamq; commodis ſermonibus,  
Atq; ecce ſeſe in tempore offert commode.*

Chorus.

*Nunc flamma flamma, toxicum nunc toxicum  
Accedit: inſtat vltimum periculum.*

Malchus.

*Regina ſalutis ſplendidum gentis decus,  
Et ſola regni digna tanti culmine.*

Regina.

*Et tu rabine Malce, ſed quid triſtis es?*

Malchus.

*Idem quod animum vt arbitror pungit tuum.*

Regina.

*Fortaſſe, ſed tu quid ſit ede apertius?*

Malchus.

*Ecquid animo equo ſers dignitatem tuam  
Sperni? per orbem ſacroſanctam regij  
Auctoritatem nominis vileſcere?  
Et ſceptra vulgi ſubijci ludibrio?*

Regina.

Regina.

*Quid ergo faciam? quod remedium sit doce.*

Malchus.

*Irascimini & animis, & tuis natalibus,  
Thalamisq; dignas corde tandem concipe.*

Regina.

*Iamdudum id actum est, rumpor ira, lachrymo,  
Obiurgo, clamo. Sed nec ira & lachrymis  
Promoueo quicquam. verba venti dissipant.*

Malchus.

*Si auctoritate qua decet apud coniugem  
Esset, inultas sic tuas iniurias  
Tulisset, aut ut verius dicam, tuas?*

Regina.

*Studia ipse populi Malce cernis. Forsitan  
Hac rex putauit posse pœna spiritus  
Acres retundi, & mitigari audaciam.*

Malchus.

*Tu si feroces spiritus coercitos  
Putes latroni huic vinculis & carcere,  
Erras. Ferarum seuit acrius furor  
Quas fracta fudit cauea, quam quas deujs  
Silua alta semper educavit montibus.  
Quid liberatus non aget, cuius colit  
Nunc vincla populus? promocata accenditur,  
Non mitigatur ira. contumelys  
Elatum animus ad furorem impellitur.*

Regina.

*Quin lenietur potius hoc beneficio,  
Quod qui perierat pertinacia sua,  
Sit liberatus regia clementia.*

Malchus.

*Quod tu beneficium, ille putat iniuriam  
Seseq. vinctum quam solutum saepius  
Per te meminerit. Reg. Asperū ingenium refers.*

Malchus.

*Id pene cunctis insitum est mortalibus,  
Quod bene patraris gratia ilico perit,  
Quod male patraris nullus obliuiscitur,  
Odere cuncti propemodum beneficia,  
Quorum memoria iuncta sunt maleficia.  
Baptista quoties memor erit meriti tui,  
Meminisse toties sceleris eum sui puta,  
Se scelere credet non solutum, sed tuo  
Animo nocentem, liberum prauo ambitu,  
Pœnam remissam, in tempus iram suppressi.*

Regina.

*Ingenia sua mitigat benignitas.*

Malchus.

*Longo quod usu in peius vsque induruit,  
Multo facilius fregeris quam flexeris.*

Regina.

*Quin ergo dubiam, quid sit è re præmones?*

Mal-



Malchus.

*Reddam expedita hac facile si credas mihi.*

Regina.

*Modo pramoneto, nulla erit per me mora.*

Malchus.

*Querendo, agendo, providendo, haud ocio  
Res magna aguntur. Reg. Si nihil promoueris  
Querendo, agendo, providendo, non magis  
Præstat quiesse, quam negocium ut tibi  
Frustra facessas, & alijs sis risui.*

Malchus.

*Quod saepe vis non perficit, vincit labor.  
Nec alta quercus icta subito sternitur:  
Nec vertit aries bellicus primo impetu  
Muros. frequenter quæ putaris perfici  
Non posse, tempus expedit: quæ non potest  
Plerumq<sup>3</sup> ratio, expugnat importunitas,  
Proinde presa: lacrymis misce preces:  
Irasq<sup>3</sup> monitis: blanda dicta iurgijs,  
Ambi maritum sedulo omnibus modis.  
Occasiones vsquequaq<sup>3</sup> amplectere.  
Si peragi aperte res nequit, tendas dolos,  
Quod spectat ad me, certa stat sententia  
Nisi re peracta, neutiquam desistere.*

Chorus.

*Tandem liuor, & impijs  
Accensus furys dolor*

*Vires seuitiae suae  
In vatem exercuit piuin,  
Illinc saeva calumnia  
Dirae iuncta tyrannidi,  
Pugnat fraude nefaria,  
Hinc innoxia veritas  
Nullo fulta satellite,  
Spernit terrificas minas,  
Tot telis petitur caput  
Vnum. tot pariter doli  
Intentant iuueni necem,  
Ille ut tunsae furentibus  
Ilex dura aquilonibus,  
Aut rupes remeabili  
Quam fluctu mare verberat,  
Nullo concutitur metu.  
O numen venerabile  
Cunctis candida veritas!  
Quam nec bellica vis metu  
Nec fraus insidijs potest  
Firmo pellere de gradu.  
Sola non metuis graues  
Fortunae instabilis vices.  
Non obnoxia casibus  
Vllis pectora robore  
Armas insuperabili,  
Et vitae dominam & necis*

*Parcarum indomitam manum,*

*Nobis esse vetas grauem.*

*Sed cesso vatem conuenire, nuncio*

*Vt impleam aures omnium miserrimo.*

*Atque eccum ante ipsas carceris stantem fores,*

*Propago sanctis sanctior parentibus,*

*Et innocentiae una pristinae fides,*

*Incolumitati dum tempus finit tuae,*

*Consule. Rabinus Malcus intentat dolos*

*Occulte. inops regina consilij furit,*

*Blanditur aula. rex suam sententiam*

*Disimulat. alij vera mussant dicere,*

*Iam tempus instat ultimi discriminis.*

*Ioannes.*

*Quid est pericli? Chor. mortis vrget terminus.*

*Ioannes.*

*Hac summa nobis imminenti est mali?*

*Chorus.*

*Quo nullum in hominem cadere possit amplius.*

*Ioannes.*

*Vt vis tyranni cesset, ac dolus, feret*

*Hanc sponte nobis temporis longinquitas,*

*Prauo timendam, at innocenti optabilem.*

*Chorus.*

*At tu salutem negligas tuam licet,*

*Te ratio nostri tangat. istos spiritus*

*Paulum remitte, precibus animum regium*

*Flecte. per amicos non inexorabilem  
Spero futurum. Io. Sedulo nonne hoc ago?*

*Chorus.*

*Vtinam tibi istam præbeat mentem Deus.*

*Ioannes.*

*Nihil precari est opus. is animus iam diu est.  
Explere properat rex meo iram sanguine.  
Nec ego recuso. qui magis regem queam  
Placare, quam quum volumus eadem & nolumus?*

*Chorus.*

*Bona verba. Io. Quid igitur mihi auctor es? duo  
Reges utrinque facere pugnancia iubent:  
Cælestis alter, misericors, clemens, bonus:  
Terrenus alter, impotens ferox, malus.  
Mortem minatur alter: alter me vetat  
Mortem timere. Pollicetur præmium  
Vim non timenti. Corpus alter perdere  
Potest: at alter corpus una & spiritum  
Torquere flamma poterit inuitabili.  
Hi quum repugnent, consule utri paream.*

*Chorus.*

*Placare nunquam postea Herodem datur,  
Oblata si nunc prætereat occasio:  
Dei sed ira semper est placabilis.*

*Ioannes.*

*Diuina quanto scuit ira lentius,  
Hoc mota pænas exigit seuerius.*

*Chorus.*

## Chorus.

*Sic fata spernis, quæ Deus mortalibus  
 Timenda voluit esse? nè ve corporis  
 Animiq; sanctum dirimeret consortium  
 Oblata temere causa, vinclo mutuo  
 Amoris animum corpori connexuit.*

## Ioannes.

*Non sperno mortem: at morte momentanea  
 Fugio perennem: quem Deus lucis mihi  
 Concessit usum reddo repetenti libens.*

## Chorus.

*Itane relinquis orphanos parens tuos?*

## Ioannes.

*Nunquã orphanus erit, qui Deum credit patrẽ.*

## Chorus.

*Nil te propinqui nil amicorum mouent  
 Lachrymæ, impotenti quos tyranno deseris?*

## Ioannes.

*Non defero, sed potius ab eis deferor.  
 Namq; institutam ab initio mundi viam  
 In fata curro. Nempe lege hac nascimur,  
 Quicunq; lucis fruimur alma munere  
 Conditio cunctos una cohibet, tendimus  
 In mortem: eo nos singuli ducunt dies,  
 Mortem esse pœnam voluit improbis Deus,  
 Bonisq; portum: terminum longæ viæ,  
 Ad longioris vitæ initium ianuam,*

Que nos perennis splendidam ad lucis domum,  
 Mittat renatos verius quam mortuos,  
 De carcere hic est exitus mortalibus:  
 Et ad carentem morte vitam transitus,  
 Hac vniuersus præiit cætus patrum:  
 Cuncti sequentur. quis ubi liquit carceres,  
 Non cursor animo rapitur ad metam? freto  
 Quis æstuoso nocte tenebrosa vagus  
 Portu recuset se quieto condere?  
 Quis exul errans per peregrini soli  
 Deserta tescæ, doleat in patriam cito  
 Sese reuerti? latus ergo tramite  
 Decurso ad ipsam stare metam me puto.  
 Iam prope peractæ liber è vitæ freto  
 Prospicio terram, de peregrino solo  
 Domum reuertor, optimum primum patrem  
 Visurus: illum nempe patrem, qui solum  
 Reuinxit undis: induit cælum solo:  
 Regitq; certas mobilis cæli vices,  
 Seruator, auctor, rector vnus omnium,  
 Cui cuncta viuunt vna iuxta ac mortua.  
 Vt flamma sursum sponte voluit vortices,  
 Unde deorsum perpeti lapsu ruunt,  
 Propriumq; pergunt ire cuncta ad fomitem,  
 Iamdudum anhelat spiritus cælo editus,  
 Rerum ad parentem lucis æternæ incolam,  
 Quem contueri est vita, mors non cernere.

Non



*Non si pruinis obstet horrens caucassus,  
 Aer procellis, vnda tempestatibus  
 Tractusq; nimis inuius caloribus  
 Eo ire pergam? non tot ut videam duces,  
 Reges, prophetas, iudices pios, via  
 Rumpenda, vel si mille mortes obstruant?  
 Ergo recluso corporis de carcere,  
 Eo euolare spiritus liber cupit,  
 Quo cunctus ibit orbis serius ocyus.  
 Nam longa vita nil opinor aliud est,  
 Quam lenta duro seruitus in carcere.  
 O mors laboris vna laxamen grauis!  
 O mors doloris portus, & mali quies!  
 Notumq; paucis commodum mortalibus,  
 Formido prauis, & bonis votum, tuo  
 Sinu recepta naufragum hoc corpusculum,  
 Et sempiternæ duc quietis in domum,  
 Quo non sequetur vis, dolus, calumnia.*

## Chorus.

*O te beatum hac pectoris constantia!  
 O nos misellos, quos iners animi metus,  
 Felicitatis priuat hoc consortio!  
 Quando igitur ipse quod opus est facto tenes,  
 Salue valeq; sempiternum dicimus.  
 Quam discors hominum tramite dispari  
 Versat lis animos? non metuit mori  
 Qui nil commeruit, qui meruit mori,*

D ij

*Si vanis leuiter mors crepuit minis,  
Exanguis trepidat degeneri metu,  
Quam mortem fugiunt grauius improbi.  
Per flammās, per aquas, saxaq; deuia,  
Tam mortis cupidi præcipitant boni  
Illustres animas dura per omnia.  
Nempe ignota malis commoda mors habet.  
Et fati comes est vita beator:  
Nec toti morimur: sed melior rogos  
Nostri pars auidos spernit, & æthera  
Sublimis patrium scandit: & igneos  
Inter cælicolas certa animas manet  
Sedes innocuas. at male conscios  
Manes exagitant sulfureo in lacu  
Crinitæ colubris Eumenides nigris,  
Et iciuna auidi guttura cerberi,  
Et nunquam saturi copia Tantalī.  
Hinc formido malis: Hinc bona spes bonis:  
Et vitæ fragilis prodiga pectora  
Dum vitam properant infrabilem sequi,  
O Syren magicis illecebris potens,  
Et fallacis amans vita fugax boni,  
Tu nobis teneris blanditijs mali  
Vicinum effugium claudis: & obstruis  
Portum perpetuæ pacis amabilem:  
Nullus terror ubi martius increpat:  
Nec rauco reboant classica murmure,*

*Nec*

*Nec pirata rapax aquora territat:  
Nec latro tacitum trux nemus obsidet:  
Nec sceptri misera prædo cupidine  
Insanus populis exitium creat:  
Nec Felix placido solus ut ocio  
Torpescat, tenues cladibus obruit:  
Nec viles animas qui miserabilis  
Vulgi pro titulis mutet inanibus,  
Sed tranquilla quies, almaq; faustitas,  
Et simplex probitas omnia possidet.  
Et ferri in tenebras indocilis dies:  
Et vita alterius nescia funeris:  
Et luctus queruli nescia gaudia.  
O dulce hospitium corporeæ domus!  
Et vitæ nimium carcer amabilis  
Iam tandem magicis exue nexibus  
Mentem caligenam, quam patriæ suæ  
Oblitam gremio amplecteris ebriam  
Lethes somniferæ deside toxico,  
Et letam thalami degeneris iugo. •  
O fallax lutei tegmen amiculi,  
Vanesce in cineres rursus abiens tuos!  
Ut rursus patrio reddita mens polo,  
Puri se radijs luminis expleat.  
Et te pestiferis morte laboribus,  
Et mentem anxiferis solue molestijs.*

## Regina.

*Phariseus igitur spem fefellit : rex parè  
 Se vanitate pariter & me prodidit.  
 Vulgi loquacis dum timet rumusculos.  
 Formido misere, nata quid rerum gerat.  
 Saltationis nuper in conuiuio  
 Cui rex frequenti præmium sponsonderat  
 Quodcumq, peteret. illa Baptista caput  
 In lance pepigit se petituram, & feret,  
 Feret profecto, nisi parum notus mihi  
 Sit regis animus. Liber inuidia, necis  
 In me odia populi vertet ut reor libens,  
 Et ego peracta re, libenter id feram.  
 Odium ultionis gaudio, maculam lucro  
 Pensabo, turpe est esse atrocem fæminam.  
 Turpe : nisi reges esse multos, turpius  
 Foret. Sed ambo proferunt pedem domo  
 Rex & Puella. quo propior est spes, metus  
 Hoc grauius vrit, cuncta fortunet Deus.*

## Herodes, Puella, Regina.

*Deliberatum quid rogares iam tibi  
 Satis videtur? Puel. sic satis, si quidem satis  
 Promissa regum certa sint, & regia.*

## Herodes.

*Ne metue firma : testibus coram, fide  
 Sancita, regni posce dimidium mei,  
 Vel siquid animo carius regno est tuo,*

*Feres.*

*Feres. volentem nulla vis auerterit.*

*Puella.*

*Istud breui iam quale sit videbimus.*

*Herodes.*

*Iam posce, certum est. Puell. nil opus regno tuo  
Mihi est, quod aequè, rege te, meum reor,  
Ac si ipsa teneam. rem facilem & aquam peto.*

*Herodes.*

*Non ego, sed ipsa ne feras tibi in mora es.*

*Puella.*

*Dà in hac recisum lance Baptistæ caput.*

*Herodes.*

*Quod verbum ab ore temere tibi virgo excidit?*

*Puella.*

*Nō temere. Her. donum virgini indecēs petis.*

*Puella.*

*Non indecorum est facinus hostem perdere.*

*Herodes.*

*Hic igitur ira dignus hostis regia est?*

*Puella.*

*Is dignus ira est, scelere qui hanc meruit suo.*

*Herodes.*

*Quod nunc remedium plebis odio reperiam?*

*Puella.*

*Parere populi est, imperare regium.*

*Herodes.*

*Æquus imperare regium est. Pu. quod iniquū erat*

*Prisus imperando facere rex æquum potest.*

Herodes.

*At imperandi lex facit regi modum.*

Puella.

*Si principi quod placuit est ius, iam modum  
Non regibus lex, legibus sed rex facit.*

Herodes.

*Pro rege fama me tyrannum perferet.*

Puella.

*At sceptrum metuit. Her. Metuit: & garrat tamē.*

Puella.

*Compesce ferro. Her. Regna male seruat metus.*

Puella.

*Et regna vertit facile scelerum impunitas.*

Herodes.

*Securus est, quem ciuium seruat fides.*

Puella.

*Necesse reges est timeri, diligere*

*Necesse non est. Her. Odia crudelem premunt.*

Puella.

*In rege vulgo lenitas contemnitur.*

Regina.

*Hæc tota opinor tendit huc oratio,  
Promissa vana ut effluant. Nondum mihi  
Regum videre nosse quæ sint munera.*

*Si honesta credis esse regi & turpia,  
Quæ honesta vulgus credit esse & turpia,*

Falle-



*Falleris: amici, proximi, socer, gener,  
 Fratres, sorores, ciuis, hostis pauperum  
 Sunt vincla: vana regibus vocabula.  
 Diadema quisquis induit capiti semel,  
 Vulgaris omnes ponat officij gradus.  
 Nil arbitretur turpe, quod regi vtile.  
 Nullum indecorum facinus esse existimet,  
 Sue salutis quod facit causa. Salus  
 A rege populi pendet, igitur consulit  
 Populi saluti, quisquis in regem est pius.  
 Tantine sanguis huius erit homunculi,  
 Vt tu diebus sollicitus ac noctibus,  
 Non conquiescas? deme nobis hunc metum,  
 Scepbris pudorem, vastitatem mœnibus,  
 Armis rapinas, ciuicum bellum omnibus,  
 Statuere magno oportet exemplo & nouo,  
 Vt sacrosancta regna sint mortalibus.  
 Scelus patrauit: scelere pessum eat suo.  
 Si nil patrauit coniugi pereat tua.  
 Da coniugi hostem. coniugem si negligis,  
 Promissa redde filia rex & parens.*

Herodes.

*Promissa certum est optima reddere fide,  
 At illa si me consulet sapientius  
 Optabit. Reg. At si consulet me, ne tua  
 Consilia mutet. Her. Itane? sicne oportuit  
 Iurasse temere? sic puella me meam*

60 GEOR. BVCHANANI

*Obstringere fidem? sic salutem, regnum, opes,  
Vitam, necemq; scæminæ committere?*

Regina.

*Promissa regum, certa firmet veritas.*

Herodes.

*Quando negare non licet, quod modo licet,  
Admoneo rursum, & oro nequid sanguine,  
Sexuq; vestro & regio culmine parum  
Dignum, patrare cogat iracundia.*

Regina.

*Hæc mitte, nostræ linque curæ cætera.*

Herodes.

*De vate si quid statueritis durius,  
Vestra illa culpa, vestrum erit periculum.*

Regina.

*Iam vindicata dignitas est regia,  
Ne pateat ulli in posterum ludibrio,  
Iam faxo populus pernix de regibus  
Loqui modeste, vel malo discat suo:  
Et siue reges æqua, iniquave imperent,  
Æquo ferenda populus animo omnia putet.*

Chorus.

*Davidis regnum, Solymæq; turres,  
Et locupletis Solomonis arces  
Vnde tam dirus furor in prophetas?  
Sanguinis iusti sitis unde sæua?  
Quam decet normam pietatis esse,*

*Vnicum*

*Vnicum est vitæ specimen scelestæ.  
Furta, vis, cædes, dolus, & rapinæ  
Sunt tuæ tirocinium palestræ.  
Non sacerdoti pietas nefandis  
Fraudibus suadet cohibere dextras,  
Cultor idoli populus reliquit  
Omnium rerum dominum & parentem.  
Pro Deo lignum colitur, lapisq.,  
His calent aræ vitulis & agnis.  
Et suæ dextræ simulachra adorat  
Artifex: vitam sine lege truncum  
Poscit, a muto eloquium precatur,  
Pauperi diues, dominus ministro  
Supplicat: ritus pereunt vetusti,  
Te prophetarum cruor innocentum  
Iudicis magni rapit ad tribunal,  
Pauperes clamant, viduæq. cælum  
Quæstibus implent.  
Ergo te iustæ manet ultionis  
Pæna, non mendax nisi fallor augur.  
Namq. qui fastus premit insolentes  
Arbiter cæli, maris, atq. terræ  
Spectat ex alto, lachrymasq. plebis,  
Et preces tristes meminit, manuq.  
Vindice infandi sceleris propinquas  
Exiget pænas, quibus intumescis  
Insolens victor tibi vertet arces.*

*Barbarus miles tua possidebit  
 Prædia: externo domino refundet  
 Vinitor fructus tuus: alta quæ nunc  
 Surgit in cælum solomontis ades  
 Exterius messem faciet colonus,  
 Ergo dum præbet tibi pœnitendi  
 Numinis fauor spatium, relictis  
 Turpiter vitæ vitij peractæ,  
 Exteri ritus simulachra pelle,  
 Et sitim fraterni auidam cruoris,  
 Et famem argenti cohibe profanam,  
 Sed nec exactæ male pœnitebit  
 Te tuæ vitæ, neq; sacra ab æde  
 Exteri ritus simulachra pelles,  
 Nec sitim fraterni auidam cruoris,  
 Nec famem argenti fugies profanam.  
 Ergo te pestis vitiosa carpet:  
 Te fames, bellum, macies, egestas  
 Opprimet, donec merito rependes  
 Sanguine penas.*

Nuncius, Chorus.

*Quis indicabit ubi reperiam gentium  
 Comites propheta nuncium ut tristem feram?*

Chorus.

*Nisi forte properas, siste paulisper gradum.  
 Eloquere paucis. scire quid feras iuuat.*

Nuncius.

At

*At non iuuabit scisse, scire quod cupis.*

Chorus.

*Vt vt se habent res, ne moram inuide breuem.*

Nuncius.

*Scisti puella ab rege quid petiuerit.*

Chorus.

*In lance vatis sibi caput casum dari.*

Nuncius.

*In lance vatis abstulit casum caput.*

Chorus.

*O facinus atrox! ille cælestis vigor,*

*Decusq; vultus morte tristi emarcuit.*

*Et ora nuper plena sacro numine*

*Clausit perenni dira vis silentio.*

Nuncius.

*Quid fles? inanes mitte questus funderc.*

Chorus.

*Quum flenda videam & audiam, flendū negas.*

Nuncius.

*Si flenda mors est, mortuos illi fleant*

*Quorum sepultæ spes iacent cum corpore,*

*Qui post soporis terminum breuissimi*

*Reditura membra non putant: & alteram*

*Supersse vitam. Mortuos miseri fleant,*

*Miserosq; tantum. Neminem facere potest*

*Fortuna miserum: similis in fontem licet*

*Sontemq; maneat terminus vitæ, tamen*

*Male morietur nemo, qui vixit bene:  
De genere miseros exitus si iudices,  
Miseros putabis tot patres sanctos, quibus  
Cruce, ensis, vnda, flamma clausit spiritum.  
Nam veritatis qui satelles occidit  
Pro religione, patrijsq; legibus,  
Omnibus illum prosequi bonis decet,  
Votisq; vitæ poscere similem exitum.*

**Chorus.**

*Vere profecto es elocutus omnia,  
At nos opinio, quos & errores trahunt  
Dum fata fugimus, fata stulti incurrimus.  
Ignis pepercit, vnda mergit, æeris  
Vis pestilentis æquori ereptum necat.  
Bello superstes tabidus morbo perit.  
Differre, non vitare fata dat Deus,  
Et fœneramur mortis indies moras  
Morbis, periculis, luctibus, molestijs  
Nec longa vita est aliud, ac longi mali  
Cathena, mortis nexa ad usque terminum  
Serie perenni. Nec ligati hoc vinculo  
Servire miseri nos putamus: exitum  
Quam servitutem potius exhorrescimus.*

**FINIS.**





